

其治疾有所由，夫道者有所由之謂也。故雖不敢比聖王之道，而謂之道不亦可乎？中葉以來，與古異術，不佞一意從事。仲景氏洗軌近之穢，謂之起廢道，不亦可乎？不佞雖業醫，而亦王者之民也。故學先王之道，以修身齊家。○下

〔東洞先生行狀〕先生諱爲則，字公言，安藝人也。其先出清和帝，姓源氏，管領政事，畠山政長之裔孫也。○中

略元文三年春三月，先生與父母女弟徙于京師，下居於萬里街春日路南，唱古醫道，蓋年三十七矣。先

生曰：我不能興吾家，今以醫隱，何污本姓，復改吉益氏，是時業未行，弟子未進，遇盜亡貲財，貧困既窮，乃

造偶人鬻而假食，先生友有邨尾氏者，仕于佐倉侯。近松平左將監侯時專天下政權，威震四方，邨尾氏有公事

入京師，訪先生，憐其貧而老親在焉，薦先生於佐倉侯，侯欲召以爲侍醫，邨尾氏大喜，而急告先生，先生

以書報曰：始以子爲知我者，今識子非知我者，吾雖貧而老親在，豈降吾志，污辱祖先乎？貧者士之常也，

窮達者命也，假令術不行，天未喪斯道也，吾果餓死耶？窮則必有達，行道樂道，貧困何憂？辭而不仕，延享

元年歲在甲子，先生年四十三，貧益甚，以雙親尚在，雖奴婢共具，不異於昔時，囊中常空，夕食絕朝糧，於

是齋戒斷食七日，迺詣少名彥廟，告于其神曰：爲則不敏，過志古醫道，不顧衆懼，推而行之，今也貧窮，命

在旦夕，我道非而天罰以貧歟？爲則知其是而未知其非也，假令飢且死，不敢更轍矣，大明神吾邦醫祖

也，請垂昭鑑，道非其道，速斷吾命。若推而行，則必害萬人，誅一夫救衆，固吾之所願也，告神而還焉。先生

平日有所驩交之賈翁，適適其家，賈翁欣然奉金，謂先生曰：吾有餘金，以奉給于先生，先生愕然固辭曰：

吾不知償之，豈受此金耶？賈翁勃然作色，膝行進曰：吾何望償乎？今奉此金，非爲先生，爲天下萬民也，先

生感其言，拜而受金，家給得漸足焉。其後有一病者，先生往而診之，東洋山脇先生會，先生論其處方，東

洋服其言，使病者服其藥，不日而治焉。東洋知其非常人，厚交爲親友。先生名所以益顯者，東洋揚之也。

延享四年，先生年四十五，徙居於東洞院街，因號曰東洞。是時業已行，弟子大進焉。京師有閑齋先生者，

時以唱古醫道鳴于世。先生與閑齋東洋交，讀傷寒論，閑齋爲年長，因以爲講主。先生數論其謬誤，閑齋